

大般若波羅蜜多經

第五百二十七

五十三
珠七

47324

六六六



元祿九年丙子二月日重脩

皇圖永固 帝衢綴昌

佛日增輝 慧輪常轉

山城州天安寺法金剛院置



大般若波羅蜜多經卷第五百二十七 珠

三藏法師 玄奘奉 詔譯

第三分慧倒彼岸品第二十七



尔時善現聞是語已便白佛言諸菩薩摩訶
薩具勝覺慧雖能習行如是深法而不攝受
諸有勝報佛告善現如是如是如汝所說諸
菩薩摩訶薩具勝覺慧雖能習行如是深法
而不攝受諸有勝報所以者何是菩薩摩訶
薩於自性中而能不動具壽善現復白佛言
是菩薩摩訶薩於何自性而能不動佛告善
現是菩薩摩訶薩能於無性自性不動具壽
善現復白佛言是菩薩摩訶薩於何無性自



性不動佛告善現是菩薩摩訶薩能於色蘊
乃至識蘊自性不動能於眼處乃至意處自
性不動能於色處乃至法處自性不動能於
眼界乃至意界自性不動能於色界乃至法
界自性不動能於眼識界乃至意識界自性
不動能於眼觸乃至意觸自性不動能於眼
觸爲緣所生諸受乃至意觸爲緣所生諸受
自性不動能於地界乃至識界自性不動能
於因緣乃至增上緣自性不動能於無明乃
至老死自性不動能於布施乃至般若波羅
蜜多自性不動能於內空乃至無性自性空
自性不動能於真如乃至不思議界自性不

動能於苦集滅道聖諦自性不動能於四念
住乃至八聖道支自性不動能於四靜慮四
無量四無色定自性不動能於空無相無願
解脫門自性不動能於八解脫乃至十遍處
自性不動能於淨觀地乃至如來地自性不
動能於極喜乃至法雲地自性不動能於一
切陀羅尼門三摩地門自性不動能於五眼
六神通自性不動能於如來十力乃至十八
佛不共法自性不動能於大慈大悲大喜大
捨自性不動能於三十二大士相八十隨好
自性不動能於無忘失法恆住捨性自性不
動能於一切智道相智一切相智自性不動

能於預流果乃至獨覺菩提自性不動能於一切菩薩摩訶薩行自性不動能於諸佛無上正等菩提自性不動能於一切智智自性不動能於有爲界無爲界自性不動所以者何如是諸法自性即是無性諸菩薩摩訶薩於此無性自性不動無性不能現證無性具

朱

五百二十七

二

抄

壽善現便白佛言有性爲能證無性不佛言不亦善現復問無爲性能證有性不佛言不亦善現復問有性爲能證有性不佛言不亦善現復問無性爲能證無性不佛言不亦具壽善現復白佛言若亦應有性不能現觀無性無性不能現觀有性有性不能善觀有

性無性不能現觀無性將非世尊無得無現
觀耶佛告善現我雖有得有現觀而遠離四
句具壽善現復白佛言云何離四句有得有
現觀佛告善現若得若現觀皆非有非無離
相離名絕諸戲論是故我說有得有現觀而
遠離四句具壽善現復白佛言諸菩薩摩訶
薩以何法為戲論佛告善現諸菩薩摩訶薩
觀色蘊乃至識蘊若常若無常若樂若苦若
我若無我若淨若不淨若寂靜若不寂靜若
遠離若不遠離若是所徧知若非所徧知是
為戲論廣說乃至觀一切智智若常若無常
若樂若苦若我若無我若淨若不淨若寂靜

若不寂靜若遠離若不遠離若是所徧知若
非所徧知是為戲論復次善現諸菩薩摩訶
薩若作是念苦聖諦應徧知集聖諦應永斷
滅聖諦應作證道聖諦應修習是為戲論復
次善現諸菩薩摩訶薩若作是念應修布施
乃至般若波羅蜜多是為戲論若作是念應
住內空乃至無性自性空應住真如乃至不
思議界應住苦集滅道聖諦是為戲論若作
是念應修四念住乃至八聖道支應修四靜
慮四無量四無色定應修空無相無願解脫
門應修八解脫乃至十遍處是為戲論若作
是念應起預流果乃至獨覺菩提趣入菩薩

朱

若五百二十七

三

松

正性離生圓滿菩薩十地正行成熟有情嚴
淨佛土是爲戲論若作是念應起一切陀羅
尼門三摩地門應引五眼六神通應引如來
十力乃至十八佛不共法應引大慈大悲大
喜大捨應圓滿三十二大士相八十隨好應
引無忘失法恒住捨性應引一切智道相智
一切相智是爲戲論若作是念應行一切菩
薩摩訶薩行應證諸佛無上正等菩提是爲
戲論若作是念我當永斷一切煩惱習氣相
續我當證得一切智智是爲戲論善現當知
諸菩薩摩訶薩以如是等種種分別而爲戲
論復次善現諸菩薩摩訶薩行深般若波羅

蜜多時應觀色蘊乃至識蘊若常若無常若
樂若苦若我若無我若淨若不淨若寂靜若
不寂靜若遠離若不遠離若是所遍知若非
所遍知皆不可戲論故不應戲論廣說乃至
應觀一切智智若常若無常若樂若苦若我
若無我若淨若不淨若寂靜若不寂靜若遠
離若不遠離若是所徧知若非所徧知皆不
可戲論故不應戲論復次善現諸菩薩摩訶
薩行深般若波羅蜜多時應觀苦聖諦若應
徧知若不應徧知應觀集聖諦若應求斷若
不應求斷應觀滅聖諦若應作證若不應作
證應觀道聖諦若應修習若不應修習皆不

可戲論故不應戲論廣說乃至應觀一切智
智若應證得若不應證得俱不可戲論故不
應戲論善現當知諸菩薩摩訶薩行深般若
波羅蜜多時應觀如是等諸法及有情皆不
可戲論故不應戲論所以者何以一切法及
諸有情有性不能戲論無性無性不能戲論
朱
若五百二十七
四
有性有性不能戲論有性無性不能戲論無
性離有無性若能戲論若所戲論若戲論處
若戲論時皆不可得是故善現色蘊無戲論
受想行識蘊無戲論廣說乃至一切智智亦
無戲論如是善現諸菩薩摩訶薩應行無戲
論甚深般若波羅蜜多今時善現復白佛言

諸菩薩摩訶薩行深般若波羅蜜多時云何
觀色蘊乃至識蘊廣說乃至一切智智皆不
可戲論故不應戲論佛告善現諸菩薩摩訶
薩行深般若波羅蜜多時應觀色蘊乃至識
蘊皆無自性廣說乃至一切智智亦無自性
若法若自性則不可戲論是故善現色蘊乃
至識蘊皆不可戲論故諸菩薩摩訶薩不應
戲論廣說乃至一切智智亦不可戲論故諸
菩薩摩訶薩不應戲論善現當知諸菩薩摩
訶薩若能如是於一切法行無戲論甚深般
若波羅蜜多方便善巧便入菩提正性離生
速能圓滿諸菩薩地疾證無上正等菩提能

盡未來利樂一切具壽善現復白佛言若一切法皆無自性亦無戲論而可得者諸菩薩摩訶薩用何等道得入菩薩正性離生爲聲聞道爲獨覺道爲諸佛道佛告善現諸菩薩摩訶薩不用聲聞獨覺佛道得入菩薩正性離生然於諸道先徧學已用菩薩道得入菩薩正性離生善現當知如第八者先學諸道後用自道得入自乘正性離生乃至未起圓滿果道未能證得自乘極果諸菩薩摩訶薩亦復如是於一切道先徧學已用菩薩道得入菩薩正性離生乃至未起金剛喻定猶未能得所未無上正等菩提若起此定以一刹

朱

若五百二十七

五

附

那相應妙慧乃能證得所求無上正等菩提
具壽善現復白佛言若菩薩摩訶薩爲欲圓
滿一切智智於一切道先徧學已用菩薩道
得入菩薩正性離生若尔豈不第八預流一
來不還阿羅漢獨覺如來向果其道各異如
是諸道旣各有異云何菩薩摩訶薩爲欲圓
滿一切智智於一切道先徧學已後用自道
得入菩薩正性離生謂諸菩薩摩訶薩若起
第八道時應成第八若起具見道時應成預
流若起進修道時應成一來不還若起無學
道時應成阿羅漢若起獨覺道時應成獨覺
世尊若菩薩摩訶薩成第八已能入菩薩正

性離生定無是處不入菩薩正性離生而證
無上正等菩提亦無是處世尊若菩薩摩訶
薩成預流果乃至獨覺能入菩薩正性離生
定無是處不入菩薩正性離生而證無上正
等菩提亦無是處云何令我如實了知諸菩
薩摩訶薩爲欲圓滿一切智智於一切道先
徧學已方入菩薩正性離生而不違理佛告
善現如是如是如汝所說若菩薩摩訶薩成
第八已廣說乃至成獨覺已能入菩薩正性
離生定無是處不入菩薩正性離生而證無
上正等菩提亦無是處然諸菩薩摩訶薩於
一切道先徧學已方入菩薩正性離生亦不

違理謂諸菩薩摩訶薩從初發心勇猛精進
修行布施乃至般若波羅蜜多以勝智見超
過八地謂淨觀地乃至獨覺地雖於如是所
說八地皆徧修學而能以勝智見超過用道
相智得入菩薩正性離生已入菩薩正性離
生漸次復用一切相智永斷一切習氣相續

朱

若五百二十七

六

松

證得無上正等菩提善現當知所學第八若
習若斷乃至獨覺若智若斷皆是菩薩摩訶
薩忍如是善現諸菩薩摩訶薩於一切道先
徧學已後用自道得入菩薩正性離生已入
菩薩正性離生漸次修行諸菩薩行後證無
上正等菩提以果饒益諸有情類今時善現

便白佛言如世尊說諸菩薩摩訶薩應學遍
知一切道相若聲聞道若獨覺道若菩薩道
若諸佛道知此等道一切種相名道相智諸
菩薩摩訶薩云何當起道相智道佛告善現
諸菩薩摩訶薩應起一切淨道相智云何菩
薩摩訶薩當起一切淨道相智謂諸行狀相
能正顯發淨道相智諸菩薩摩訶薩遍於如
是諸行狀相皆現等覺現等覺已如實爲他
宣說開示施設建立令諸有情得無倒解隨
應趣向利益安樂是菩薩摩訶薩應於一切
音聲語言皆得善巧用此善巧音聲語言遍
爲三千大千世界諸有情類宣說正法令

所聞皆如谷響。雖有解了而無執著。善現當
知諸菩薩摩訶薩。由此因緣。應學圓滿真道。
相智既學圓滿。道相智已。應如實知一切有
情。隨眠意樂種種差別。如應為作利益安樂。
謂如實知地獄有情。隨眠意樂及彼因果。知
已。方便遮障彼道。亦如實知傍生鬼界諸龍。
朱藥。以阿素洛等。隨眠意樂及彼因果。知已。
若五百五十七方便遮障彼道。亦如實知人欲界天。乃至非想
非非想處。隨眠意樂。知已。方便遮障彼道。亦
如實知四念住。乃至八聖道支。及彼因果。亦
如實知四靜慮。四無量。四無色。定及彼因果。
亦如實知空無相無願解脫門。及彼因果。亦

朱

若五百五十七

七

松

如實知八解脫乃至十遍處及彼因果亦如
實知苦集滅道聖諦及彼因果亦如實知六
波羅蜜多及彼因果亦如實知內空乃至無
性自性空及彼因果亦如實知真如乃至不
思議界及彼因果亦如實知淨觀地乃至如
來地及彼因果亦如實知極喜地乃至法雲
地及彼因果亦如實知陀羅尼門三摩地門
及彼因果亦如實知淨五眼六神通及彼因
果亦如實知如來十力乃至十八不共法
及彼因果亦如實知大慈大悲大喜大捨及
彼因果亦如實知無忘失法恒住捨性及彼
因果亦如實知一切智道相智一切相智及

彼因果亦如實知聲聞獨覺菩薩如來及彼
因果善現當知諸菩薩摩訶薩既如實知聲
聞等道及因果已隨其所應以如是道安立
有情於三乘道令勤修學各得究竟善現當
知諸菩薩摩訶薩應起如是真道相智若菩
薩摩訶薩修學如是真道相智於諸有情種
種界姓睡眠意樂皆善悟入既悟入已隨其
所應爲說正法皆令獲得所求勝果無空過
者所以者何是菩薩摩訶薩善知有情諸根
勝劣如實通達一切有情往來生死心心所
法趣向差別爲說法故無空過者善現當知
諸菩薩摩訶薩應行如是諸道般若波羅蜜

多所以者何一切聲聞獨覺菩薩所應學道
菩提分法皆攝在此甚深般若波羅蜜多一
切聲聞獨覺菩薩於中勤學皆得究竟具壽
善現便白佛言若一切種菩提分法及諸菩
提如是一切皆非相應非不相應無色無見
無對一相所謂無相云何如是菩提分法能
取菩提非非相應非不相應無色無見無對
一相謂無相法能於餘法有取有捨譬如虛
空於一切法無取無捨自性空故諸法亦亦
自性皆空非於餘法有取有捨如何可說菩
提分法能取菩提佛告善現如是如是如汝
所說以一切法自性皆空無取無捨然諸有

朱

若五百二十七

八

八

情於一切法自性空義不能解了爲益彼故
方便宣說菩提分法能取菩提復次善現若
諸色蘊乃至識蘊廣說乃至一切智智於此
聖法毗奈耶中皆非相應非不相應無色無
見無對一相所謂無相佛爲饒益諸有情類
令得正解入法實相依世俗說不依勝義善
現當知諸菩薩摩訶薩於如是一切法應學
智見學智見已如實觀察如是諸法應可攝
受如是諸法不應攝受具壽善現即白佛言
諸菩薩摩訶薩於何等法學智見已如實觀
察不應攝受於何等法學智見已如實觀察
應可攝受佛告善現諸菩薩摩訶薩於諸聲

聞獨覺等法學智見已如實觀察不應攝受
於一切智智相應諸法學智見已如實觀察
一切種相應可攝受善現當知諸菩薩摩訶
薩於此聖法毗奈耶中應如是學甚深般若
波羅蜜多具壽善現復白佛言佛說聖法毗
奈耶者何等名聖法毗奈耶故名聖法毗
奈耶佛告善現若諸聲聞若諸獨覺若諸菩
薩若諸如來應正等覺如是一切與貪嗔癡
皆非相應非不相應與薩迦耶見戒禁取疑
皆非相應非不相應與欲貪嗔恚皆非相應
非不相應與色愛無色愛掉舉慢無明皆非
相應非不相應與四靜慮四無量四無色定

朱

芳五百二十七

九

松

皆非相應非不相應與四念住乃至八聖道
支皆非相應非不相應與苦集滅道聖諦皆
非相應非不相應與空無相無願解脫門皆
非相應非不相應與八解脫乃至十徧處皆
非相應非不相應與六波羅蜜多皆非相應
非不相應與內空乃至無性自性空皆非相
應非不相應與真如乃至不思議界皆非相
應非不相應與淨觀地乃至如來地皆非相
應非不相應與極喜地乃至法雲地皆非相
應非不相應與陀羅尼門三摩地門皆非相
應非不相應與五眼六神通皆非相應非不
相應與如來十力乃至十八不共法皆非

相應非不相應與大慈大悲大喜大捨皆非
相應非不相應與三十二大士相八十隨好
皆非相應非不相應與無忘失法恒住捨性
皆非相應非不相應與一切智道相智一切
相智皆非相應非不相應與預流果乃至獨
覺菩提皆非相應非不相應與諸菩薩摩訶

薩行及佛無上正等菩提皆非相應非不相
應與斷煩惱習氣相續一切智智皆非相應
非不相應與有爲界及無爲界皆非相應非
不相應善現當知彼名爲聖此是彼聖法毗
奈耶是故名聖法毗奈耶所以者何此一切
法無色無見無對一相所謂無相彼諸聖者

如實現見善現當知諸無色法與無色法皆
非相應非不相應諸無見法與無見法皆非
相應非不相應諸無對法與無對法皆非相
應非不相應諸一相法與一相法皆非相應
非不相應諸無相法與無相法皆非相應非
不相應善現當知諸菩薩摩訶薩於此無色

朱

若五百二十七

松

無見無對一相所謂無相甚深般若波羅蜜
多常應修學學已不執一切法相尔時善現
便白佛言諸菩薩摩訶薩豈不應於色乃至
識諸相學耶廣說乃至豈不應於一切智智
諸相學耶豈不應於知苦斷集證滅修道諸
相學耶豈不應於順逆觀察十二緣起諸相

學耶豈不應於聖者。聖法諸相學耶豈不應於有爲界。無爲界諸相學耶。世尊若菩薩摩訶薩。不於如是諸法相學。亦應不於諸行相學。世尊若菩薩摩訶薩。於諸法相及諸行相。既不能學。云何能超聲聞獨覺等地。若不能超聲聞獨覺等地。云何能入菩薩正性離生。若不能入菩薩正性離生。云何能證無上菩提。若不能證無上菩提。云何能轉微妙法輪。若不能轉微妙法輪。云何能以聲聞獨覺無上乘法安立。有情令脫無邊生死大苦。安住清淨常樂涅槃。佛告善現。若一切法實有相者。諸菩薩摩訶薩。應於中學。以一切法非實。

有相無色無見無對一相所謂無相是故善
薩摩訶薩衆不於相學亦復不於無相法學
所以者何如來出世若不出世法界常住諸
法一相所謂無相如是無相既非有相亦非
無相故不可學何以故非一切法先是有相
後成無相以一切法本是無相後亦無相是
故菩薩摩訶薩衆不學有相不學無相相無
相法相待而立非究竟故具壽善現復白佛
言若一切法皆非有相亦非無相應非一相
亦非異相云何菩薩摩訶薩能修般若波羅
蜜多若菩薩摩訶薩不修般若波羅蜜多應
不能超聲聞獨覺等地若不能超聲聞獨覺

朱

若五百二十七

十一

松

等地應不能入菩薩正性離生若不能入菩薩正性離生應不能超菩薩無生法忍若不能超菩薩無生法忍應不能發菩薩勝妙神通若不能發菩薩勝妙神通應不能嚴淨佛土成熟有情若不能嚴淨佛土成熟有情應不能得無上正等菩提若不能得無上正等菩提應不能轉清淨法輪若不能轉清淨法輪則應不能方便安立諸有情類令住聲聞乘果或住獨覺乘果或住無上乘果亦應不能方便安立諸有情類令住施性福業事或住戒性福業事或住修性福業事當得人天自在富樂佛告善現如是如是如汝所說一

切法非有相非無相非一相非異相若菩薩
摩訶薩知一切法若有相若無相若一相若
異相皆同一相所謂無相修此無相名修般
若波羅蜜多具壽善現復白佛言云何菩薩
摩訶薩修此無相名修般若波羅蜜多佛告
善現若菩薩摩訶薩修除遣一切法名修般

若波羅蜜多具壽善現復白佛言云何菩薩
摩訶薩修除遣一切法名修般若波羅蜜多
佛告善現若菩薩摩訶薩修除遣色亦除遣
此修名修般若波羅蜜多修除遣受想行識
亦除遣此修名修般若波羅蜜多修除遣眼
處乃至意處亦除遣此修名修般若波羅蜜

多修除遣色處乃至法處亦除遣此修名修
般若波羅蜜多修除遣眼界乃至意界亦除
遣此修名修般若波羅蜜多修除遣色界乃
至法界亦除遣此修名修般若波羅蜜多修
除遣眼識界乃至意識界亦除遣此修名修
般若波羅蜜多修除遣眼觸乃至意觸亦除
遣此修名修般若波羅蜜多修除遣眼觸為
緣所生諸受乃至意觸為緣所生諸受亦除
遣此修名修般若波羅蜜多修除遣地界乃
至識界亦除遣此修名修般若波羅蜜多修
除遣因緣乃至增上緣亦除遣此修名修般
若波羅蜜多修除遣無明乃至老死亦除遣

朱

若五百二十七

十二

松

此修名修般若波羅蜜多修除遣入出生死
及不淨觀亦除遣此修名修般若波羅蜜多
修除遣四靜慮四無量四無色定亦除遣此
修名修般若波羅蜜多修除遣佛隨念乃至
息隨念亦除遣此修名修般若波羅蜜多修
除遣無常想乃至滅想亦除遣此修名修般
若波羅蜜多修除遣識想乃至見者想亦除
遣此修名修般若波羅蜜多修除遣緣起想
及非緣起想亦除遣此修名修般若波羅蜜
多修除遣常樂我淨想及無常無樂無我無
淨想亦除遣此修名修般若波羅蜜多修除
遣四念住乃至八聖道支亦除遣此修名修

般若波羅蜜多修除遣空無相無願解脫門
亦除遣此修名修般若波羅蜜多修除遣八
解脫乃至十徧趣亦除遣此修名修般若波
羅蜜多修除遣諸聖諦想及非聖諦想亦除
遣此修名修般若波羅蜜多修除遣有尋有
伺三摩地無尋唯伺三摩地無尋無伺三摩
朱地亦除遣此修名修般若波羅蜜多修除遣
若五了苦集滅道聖諦亦除遣此修名修般若波羅
七蜜多修除遣苦智乃至如說智亦除遣此修
十二名修般若波羅蜜多修除遣布施乃至般若
波羅蜜多亦除遣此修名修般若波羅蜜多
修除遣內空乃至無性自性空亦除遣此修

名修般若波羅蜜多修除遣真如乃至不思議界亦除遣此修名修般若波羅蜜多修除遣淨觀地乃至如來地亦除遣此修名修般若波羅蜜多修除遣極喜地乃至法雲地亦除遣此修名修般若波羅蜜多修除遣陀羅尼門三摩地門亦除遣此修名修般若波羅蜜多修除遣五眼六神通亦除遣此修名修般若波羅蜜多修除遣如來十力乃至十八不共法亦除遣此修名修般若波羅蜜多修除遣大慈大悲大喜大捨亦除遣此修名修般若波羅蜜多修除遣三十二大士相八十隨好亦除遣此修名修般若波羅蜜多修

除遣無忘失法恒住捨性亦除遣此修名修
般若波羅蜜多修除遣一切智道相智一切
相智亦除遣此修名修般若波羅蜜多修除
遣預流果乃至獨覺菩提亦除遣此修名修
般若波羅蜜多修除遣一切菩薩摩訶薩行
亦除遣此修名修般若波羅蜜多修除遣諸

佛無上正等菩提亦除遣此修名修般若波
羅蜜多修除遣未斷煩惱習氣相續亦除遣
此修名修般若波羅蜜多修除遣一切智智
亦除遣此修名修般若波羅蜜多亦時善現
復白佛言云何菩薩摩訶薩修除遣色亦除
遣此修名修般若波羅蜜多修除遣受想行

識亦除遣此修名修般若波羅蜜多廣說乃至修除遣未斷煩惱習氣相續亦除遣此修名修般若波羅蜜多修除遣一切智智亦除遣此修名修般若波羅蜜多佛告善現諸菩薩摩訶薩行深般若波羅蜜多時若念有色及懷此修非除遣色非修般若波羅蜜多若

朱

若五百二十七

十四

念有受想行識及懷此修非除遣受想行識非修般若波羅蜜多廣說乃至若念有未斷煩惱習氣相續及懷此修非除遣未斷煩惱習氣相續非修般若波羅蜜多若念有一切智智及懷此修非除遣一切智智非修般若波羅蜜多然諸菩薩摩訶薩行深般若波羅

蜜多時不念有色及懷此修是除遣色是修
般若波羅蜜多不念有受想行識及懷此修
是除遣受想行識是修般若波羅蜜多廣說
乃至不念有求斷煩惱習氣相續及懷此修
是除遣求斷煩惱習氣相續是修般若波羅
蜜多不念有一切智智及懷此修是除遣一
切智智是修般若波羅蜜多所以者何非有
想者斷貪嗔癡隨眠纏垢能修般若波羅蜜
多是故善現若菩薩摩訶薩修除遣色亦除
遣此修名修般若波羅蜜多修除遣受想行
識及除遣此修名修般若波羅蜜多廣說乃
至修除遣求斷煩惱習氣相續及除遣此修

名修般若波羅蜜多修除遣一切智智及除
遣此修名修般若波羅蜜多復次善現住有
想者不能修布施波羅蜜多乃至般若波羅
蜜多廣說乃至住有想者亦不能永斷煩惱
習氣相續亦不能修一切智智所以者何住
有想者定當執有我及我所由此執故便著
朱二邊著二邊故決定不能解脫生死無道無
若五百二十七涅槃云何能如實修六波羅蜜多廣說乃至
永斷煩惱習氣相續及能修習一切智智具
壽善現復白佛言何等是有何等是非有佛
告善現二是有不二是非有具壽善現復白
佛言云何爲二云何爲不二佛告善現色想

乃至識想爲二色想空乃至識想空爲不二
眼處想乃至至意處想爲二眼處想空乃至至意
處想空爲不二色處想乃至至法處想爲二色
處想空乃至至法處想空爲不二眼界想乃至
至
意界想爲二眼界想空乃至至意界想空爲不
二色界想乃至至法界想爲二色界想空乃至
法界想空爲不二眼識界想乃至至意識界想
爲二眼識界想空乃至至意識界想空爲不二
眼觸想乃至至意觸想爲二眼觸想空乃至至意
觸想空爲不二眼觸爲緣所生諸受想乃至至
意觸爲緣所生諸受想爲二眼觸爲緣所生
諸受想空乃至至意觸爲緣所生諸受想空爲

不二地界想乃至識界想爲二地界想空乃
至識界想空爲不二因緣想乃至增上緣想
爲二因緣想空乃至增上緣想空爲不二無
明想乃至老死想爲二無明想空乃至老死
想空爲不二布施波羅蜜多想乃至般若波
羅蜜多想爲二布施波羅蜜多想空乃至般

若波羅蜜多想空爲不二內空想乃至無性
自性空想爲二內空想空乃至無性自性空
想空爲不二真如想乃至不思議界想爲二
真如想空乃至不思議界想空爲不二苦集
滅道聖諦想爲二苦集滅道聖諦想空爲不
二四念住想乃至八聖道支想爲二四念住

想空乃至八聖道支想空為不二四靜慮四
無量四無色定想為二四靜慮四無量四無
色定想空為不二三解脫門想為二三解脫
門想空為不二八解脫想乃至十徧處想為
二八解脫想空乃至十徧處想空為不二淨
觀地想乃至如來地想為二淨觀地想空乃
至如來地想空為不二極喜地想乃至法雲
地想為二極喜地想空乃至法雲地想空為
不二陀羅尼門三摩地門想為二陀羅尼門
三摩地門想空為不二五眼六神通想為二
五眼六神通想空為不二如來十力想乃至
十八佛不共法想為二如來十力想空乃至

朱

若五百二十七

十六

松

十八佛不共法想空為不二大慈大悲大喜
大捨想為二大慈大悲大喜大捨想空為不
二三十二相八十隨好想為三三十二相八十
隨好想空為不二無忘失法恒住捨性想為
二無忘失法恒住捨性想空為不二一切智
道相智一切相智想為二一切智道相智一
切相智想空為不二預流果想乃至獨覺菩
提想為二預流果想空乃至獨覺菩提想空
為不二一切菩薩摩訶薩行諸佛無上正等
菩提想為二一切菩薩摩訶薩行諸佛無上
正等菩提想空為不二有為界無為界想為
二有為界無為界想空為不二善現當知乃

至一切想皆爲二乃至一切二皆是乃至
一切有皆有生死有生死者不能解脫生老
病死愁歎苦憂惱善現當知諸想空者皆爲
不二諸不二者皆是非有諸非有者皆無生
死無生死者便能解脫生老病死愁歎苦憂
惱由此因緣當知一切有二想者定無布施
乃至般若波羅蜜多無道無得亦無現觀下
至順忍彼尚非有況能徧知色廣說乃至一
切智智彼尚不能修諸聖道況能得預流果
乃至獨覺菩提況能永斷一切煩惱習氣相
續證得無上正等菩提轉妙法輪度有情衆

大般若波羅蜜多經卷第五百二十七
珠
大檀越成忠郎趙安國一力刊經六百卷



大般若波羅蜜多經卷第五百二十七
珠
大檀越成忠郎趙安國一力刊經六百卷

